

Your pharmacy and COVID-19



'I teia tuātau ē 'aere nei teia maki Covid-19 te tu'era nei rāi rātou, 'inārā mānga tūkē rāi te 'akateretere'anga.

Kāre rā 'oki ta rātou au 'anga'anga 'i 'akatinamou 'ua 'ia ki te 'ōronga atu'anga 'i te vairākau, māri rā 'e au 'anga'anga kē atu tā rātou ē rave ana mei te rave atu'anga 'i te pātia flu


Te tiki'anga 'i tō'ou Vairākau



Te vai ra teta'i au Paharmacy 'e ma'ata te tangata ē tūpāti ra 'i va'o, nō reira 'e ngari ake koe 'i te rīngi atu 'ia rātou nā mua. Ui atu ē 'ea'a te ora ē tu'era ei ē, 'ea'a te te taime meitaki nō'ou 'i te tiki atu 'i tō'ou vairākau kia kore 'oki ē pou tō'ou tuātau 'i te tiaki'anga.

Mē 'e taii tō'ou kāre 'e rauka 'iā koe 'i te tiki atu' tō'ou vairākau, rīngi atu 'i tō'ou pharmacy. Ka rauka katoa 'iā koe 'i te ui atu ē me ka rauka 'i tō'ou Pharmacy 'i te kave atu 'i tō'ou vairākau, mē kore, ka rauka katoa 'iā koe 'i te 'akano'o atu 'i teta'i tangata (taeake, kōpū tangata) 'ei tiki atu 'i tō'ou vairākau.

'Akakōtinga'anga mamao



'Ei rāvenga kauraro ki teia 'akaue'anga, 'i roto 'i teta'i au pharmacy kā kite koe ē, 'e pāroru i'o teta'i 'i rotopū 'iā koe ē te tiaki toa. Pēnei ē ka mānga tū kaii te komakoma'anga 'i rotopū 'ia kōrua. Mē kāre koe 'e mārama ana 'i te tuatua ā te tiaki toa nō teia pāroru i'o ē kāre koe ē 'akarongo meitaki atu ana 'iāia, 'e 'akakite atu rāi koe kiāia. Ka rauka katoa 'ia rātou 'i te 'ōronga atu 'i te 'akamārama 'i runga 'i te peapa.

Kua tau te ma'ata o te vairākau tei 'akataka 'ia



Ka 'ōronga atu te taote 'i tō'ou vairākau ē te 'ua kia rava nō teta'i marama kāre 'oki ē mei tei mātau 'ia ē, 'ē toru marama, māri 'ua ko te 'ua o te va'inetini nō te pāroru kia kore rātou ē nui, kā no'o rāi tē reira kia rava te toru marama. Mei te mea rā ē, ka taii koe nō te mamao 'iā koe mei te pharmacy, kāre koe 'e rauka 'i te 'aere ē, 'e tangata pakari koe mē kore ra 'e kino te tūranga o tō'ou maki tinamou, ka 'akatika 'ia tō'ou 'ua kia rava te toru marama.

Te rava 'ua nei te vairākau 'inārā, mei te mea ē ka tiki putuputu mai teta'i au tangata 'ei 'akaputu atu 'i teia ki te ngutu'are, ko te 'apinga teia ē kāre ei te vairākau ē rava.

Your pharmacy and COVID-19



Kai/Inu 'ua rāi 'i tō'ou vairākau mei tei 'akataka'ia

Ko tō'ou ora, ko tā mātou ia ka 'inangaro. Nō reira kia kai 'ē kia inu 'ua rāi koe 'i tō'ou vairākau mei tei 'akataka'ia ē tō'ou taote, 'auraka koe ē tieni 'i tē reira nō teia maki ē 'aere nei. Kāre 'e 'akapāpū'anga ē ka ngō'ie koe 'i te tū 'ia e teia maki Covid-19 nō tō'ou vairākau.



Mē ka Anoano Vairākau 'aka'ou koe

Mē ka anoano vairākau 'aka'ou koe, rīngi atu 'i tō'ou taote. Mē kāre 'e rauka mai 'iā koe tō'ou taote, tamata atu koe 'i te komakoma atu ki tō'ou pharmacy, pēnei ē ka rauka 'ia rātou 'i te tiki atu 'i te tika'anga mei kō mai 'i tō'ou taote. 'I teia tuātau 'oki ka rauka 'ua 'i te Taote 'i te tuku tika atu 'i te peapa tika'anga nō tō'ou vairākau ki kō 'i te Pharmacy.



Te tūtaki'anga 'i te peapa tika'anga nō tō'ou vairākau

Mē kāre ē peke tō'ou vairākau 'iā koe 'i te 'oko, tē vai ra teta'i tu'angā moni tauturu nō teia 'i kō 'i te Ministry of Social Development. Kimikimi 'ō'onu atu ki roto 'i teia tu'anga tauturu tei 'akataka 'ia nō teia tuātau ē 'aere nei teia maki Covid -19: www.covid19.govt.nz.



List of pharmacy services

'I rungā'o 'i te 'ōronga'anga atu 'i te au vairākau, 'ē pōrokiroki katoa ana te au community pharmacy 'i te au kōpu tangata nō runga 'i te au rāvenga nō te ora'anga meitaki. Tūkētūkē rā 'oki te tūrangā mei teta'i Pharmacy ki teta'i. Ko teia te au 'ākara'anga 'i raro nei. Ka rauka katoa 'oki 'ia rātou 'i te 'api'i atu 'iā koe ka 'akapē'ea mē tā'anga'anga 'i te au 'apinga mei te pāmu ō te aronga potopoto a'ō, te matīni vaito ō te toto vene, 'ē to te toto kake ē tae roa atu ki te matīni tā mā'ū'ū 'i te reva.

- Va'anga 'i te 'ua kia māmā te kai'anga
- Pātia Flu
- 'Ua rapurapu nō te pāruru nui nō te va'ine
- 'Ua pāruru nui ō te va'ine
- Tākore'anga 'i te 'inangaro kai 'ava'ava
- Vairākau'anga 'i te maki ō te ara mimi
- Vāito 'i te tuka 'i roto 'i te toto
- Vāito nō te toto kake
- Vāito'anga 'i te pupuru ō te toto, te aronga kai warfarin
- Hire atu'anga 'i teta'i au 'apinga rapakau maki ki va'ō
- Tākore meitaki atu'anga 'i te au vairākau taito

If you become unwell, call your doctor or Healthline 0800 611 116